

مرکز تۆزۈپ :
باب عالی جاده سنده (اتحاد
تجارت) كىتبخانه سى

آبونه بدلى :

سنه لى ۱۰۰ غروش
آلتى آلتى ۵۰

ممالك اجنييه ايچين ۲۵ غروش ضم
اولوناليدى .

دىنى ، علمى ، ادبى ، اجتماعى

مخمس

۱۳۳۸

بجوئے اسلامى

صاحبى ، مديرى ، محررى :

آبونه قىدى معاملە سى هر سنه نك بونجى
وايكه چى آلتى آلتى اعتباراً اجرا اولونوز

فى: غروش

۱۰

دى الحجى

۱۳۴۲



اداره خانه سى :
بايزيد جامع شريفى تر به قاپسى
قارشيسنده

اسلامك نفعنه خادى مقالات
مع الت شكر قبول ونشر اولونوز

يازانك شخصيتى دكل ، يازينك اهميتى
نظر دقتە آلتيدى .

كن يازيلردن شايدان قبول كورولنلر
تاوخ صيراسيله درج ايديلىر .

كونده ريله جاك آثار ، اوقونا قلى
ومختصر جى يازيلش اولماليدى .

جلد

۵

عدد

۵۰

احوال آخرتک تفاصیلی ، عبادتک کیفیاتی ، گمائی شرائطی ، اوقاتی ، زکاتک ، حدودک ، کفاراتک مقادیری کبی ساحۂ حس و عقل خارجندہ بولنان بعض احکام و حقائق عالیہ دینیہ بی معرفتہ غیر کافی در . چونکہ بونوع احکام ، عقل ایله دکل ، آنجق معجزات ایله مؤید اولان خبر صادقہ بیلنیر . عقول بشر بو خصوصہ ارشادات شارعہ محتاجدر . بوکبی احکام و حقائق دینیہ یالکسر بیانات شارع ایله ثابتدر .

عقل ایسه آنجق آنک امکاتی ادراک و بونلری ناطق اولان خطابات شارعی فهم ایدہ بیایر . بناءً علیہ احکام و حقائق دینیہ نک جملہ سنی معرفتہ عقل غیر کافی در . ایشته بونک ایچوندرکہ : خالق تعالیٰ حضرتلری امور دینیہ و مصالح دنیویہ ده افراد بشرک محتاج اولدینی احکام و حقائق عالیہ بی تبلیغ و تعلیم ایدہ رک خلقی حقہ ارشاد وظیفہ مقدسہ سیله موظف اولمق اوزره انبیای عظام حضراتی بعث بیورمشدر .

(بنی الاسلام علی خمس الخ) حدیث شریفیله اسلامک مبنی علیہی عد اولنان اصول و احکام دینیہ دن صومک مشروعتنی ، شرائطنی ، کیفیاتی اوقاتی ، مقادیرینی شرع شریف بیان ایتمکسزین عقل بشر ادراک ایدہ مزدی . آنک ایچون صومه دائر احکامی شرع شریفدن ، یعنی کتاب الله ایله سنت رسول اللہدن اخذ وتلقی ایتک مجبوریتندہ یز . بوبایدہ شرعدن مأخوذ اولمیان صرف عقلی سوزلره اعتماد و اعتبار ایدہ مه یز .

بو مقدمہ بی عرض ایلد کدن صوکره مقصدہ شروع ایدیورم :

موضوع بحثمز اولان مقالہ لک نکات متعددہ سی خلاف شرع و موجب ضلال اولدیغدن فقرہ فقرہ جواب ویرمک ایسترم ، فقط بو خصوصہ اولان

کافی رزق ، آخرتہ کی حسنی « ثواب و رحمت » ایله تفسیر ایله مش ، حضرت علی کرم الله وجهه دنیادہ کی حسنی « مرأۂ صالحه » آخرتہ کی « حوریلر » ایله عذاب ناری ده « کوتوقاری » ایله تفسیر ایله مش ، حسن بصری ، دنیادہ کی حسنه « علم و عبادت » آخرتہ کی « جنت » عذاب نار ایسه « جهنمی مؤدی اولان شهواتدر ، دیمشدرکہ شواختلافات ، اساس مقصد اوزرینه دکل ، تعبیرات تمثیلیہ به محمولدر .

برغم علی صورت

اوروج مسئلہ سی حقندہ جواب

وطن غزته سنک (۳۷۵) نومرولی نسخہ سندہ عیدادہ افتدینک (سلمان نظیف بک) عنوانی و رسملی غزته نک (۳۳) نجی نومرولی نسخہ سندہ سلمان نظیف بکک (رمضان مصاحبہ سی) سرنامہ لی مقالہ سنی او قودم ، ضروریات دینیہ مزدن بر فرض قطعی نک یا کلیش تفسیر ایدیلدیکنی کوردیم . موجب ضلال اولدینی ایچون بو یا کلیشانی تصحیح ایتک وجیبہ دینیہ در .

آنک ایچون عاجزانه برخدمت دینیہ ده بولنمق مقصدیله بو خطای عظیمی رد ایتک ایسترم .

فقط مقصدہ باشلامادن اول انظار قارئنه شو نقطہ بی عرض ایدہ یم کہ : امام علی (کرم الله وجهه) حضرتلرینک بر خطبہ بلیغہ سندہ (ان المؤمن اخذ دینه من ربه ولم یأخذ عن رأیه) کلام عالیلری ایله بیان بیورلدینی اوزره بشر ، دین حق کندی عقل ورآیندن دکل ده ریسنندن اخذ وتلقی ایتمشدر . واقعا عقل سلیم ، حجج السہیہ دن بر حجت ،

طرق علمدن بر طریق ، خطابات شارعی ، مصالح دین و دنیایی معرفت ایچون بر آلت اولوب حدوث عالم ، وجود صائم ، توحید باری کبی دائرہ عقلمده بولنان بعض حقائق دینیہ بی معرفتہ کافی ایسه ده

اوروج حقنده کی حقائق شرعیہ بی کشف وایضاح
ایده لم :

خلقت بشردن عصر سعادت رسالتناهی به قدر
سبق ایلمن انبیا و امتله فرض اولوب قدیم بر
عبادت اولان اوروج - سورة بقره نك (۱۸۳) نجی
آیت جلیله سیله - امت محمدك تكالیف شرعیه ایله
مكلف اولانلرینه فرض قیلنمشدر . چونكه : بو
آیت جلیله ده کی (کتب علیکم) نظم کریمی وجوب
وفرض معناسنده و بناء علیه بو آیت کریمه ایله
عموم مکلفین حقنده اوروجك اساس فرضیتی
واصل وجوبی ثابت اولمشدر .

واجبی ایفا خصوصنده مکلفینك احواله کوره
عزیمت ویا رخصت حکملری ایجاب اولندیغی ایچون
خسته لر ایله مسافرله سهولت وتوسعه اولوق اوزره
رمضانده طومادقلری کونلر عددی قدر باشقه
آیلردن اوقدر کونلر اوروج طومه لرینه سورة
بقره نك (۱۸۴) نجی آیت جلیله سنك (وعلی الذین
یطبقونه فدیة) قول کریمك منسوخ اولوب
اولماسنده ، خصوصیه بو آیتك معناسنده اختلاف
اولنمشدر .

نسخه قائل اولانلره کوره قرائت مشهوره
اوزرینه نازل اولان (یطبقونه) قول کریمی
(استطاعت) یعنی برشیئه کوچ یتوب قادر اولوق
معناسنه کن (اطاقه) مصدردن مأخوذدر .
ضمیر ایسه صومه راجعدر . بوکا نظراً آیت جلیله نك
معناسی (اوروجه کوچی یتنلرك شاید طومازلر
ایسه فدیة ویره لری واجب اولور) دیمکدر .

بومعنایه کوره مکلفیندن اوروج طومتق قدرتی
حائز اولان اعحای مقیمین ، اوروجه بدل فدیة
ویرمکله ایام معینه ده اوروج طومتق بیتنده تخیر
اولنمشدر ، یعنی مکلفیندن بو زمره ، وجوب اداسی
ذمتلرنده تقرر ایتمش اولان اوروجی یا عینیه ویاخود

مثل غیر معقولی ایله ایفا ایتك اوزره مكلف
قیلنمشلردی .

بو آیتده نسخه قائل اولان جمهور سلفك اثبات
مدعی ایچون تمسك ایلدکلی دلیللری : اولاً -
امام بخاری ، مسلم ، ابو داود ، ترمذی ، نسائی
طبرانی ایله سائر ائمه حدیثك روایت ایله دکلی ده
اجله صحابه کرامدن (سلمة ابن الاکوع) رضی الله
عنك قولیدرکه : مشارالیه حضرتلری (لما نزلت
هذه الآية وعلی الذین یطبقونه فدیة طعام مسکین
کان من اراد ان یفطر ویفدی حتی نزلت الآية
التي بعدها فنسختها) یعنی (وعلی الذین یطبقونه
فدیة) آیت جلیله سی نازل اولدیغی زمان ایستین
اوروج طومار ، ایستین افطار ایدوب فدیة ویرر
ایدی . بوندن سوکره کی آیت نزول ایدنجه به قدر
بویله ایدی . (فن شهد منكم الشهر فلیصمه) آیتی
نازل اولوب او آیتی نسخ ایله دی ، دیورکه بو
روایت (وعلی الذین یطبقونه فدیة) آیت جلیله سنك
اصحای مقیمین حقنده ناطق اولدیغی تخیر حکمنك
منسوخ اولدیغی مبیندر .

ثانیاً - (۱۸۴) نجی آیت جلیله ده مریض
ایله مسافرك ترخیصی ، مقیم صحیحك تخیر اولندیغی
بیان بیوردقدنصکره (۱۸۵) نجی آیت جلیله ده
مریض ایله مسافره ویریلن ترخیص حکمی تکرار
اولنمشدر . اگر (۱۸۵) نجی آیتده کی (فلیصمه)
قول کریمی (۱۸۴) نجی آیتده کی (یطبقونه) قولیه
مقیم صحیحه ویریلن تخیر حکمی نسخ ایتمه مش
اولسه یدی بو تکرار هیچ بر فائده افاده ایتمه مش
اولوردی .

بعدالنسخ مریض ایله مسافره بخش اولنان
ترخیص حکمنك کماکان باقی اولدیغی بیلدیرلك
ایچون (ومن كان مریضاً او علی سفر فعدة من
ایام اخر) آیت جلیله سی اعاده بیورلمشدر . بناء علیه

بعدالنسخ صحیح مقیمه رمضانده عیناً اوروج طوتمق فرض اولدینی کی مریض کسب عافیت ایدوب مسافرده اقامت ایلنجده اوروجی قضا فرضدر. امام مالک کی نسخه قائل اولانلره کوره شیخ فانی اولونجهیه قدر مستمراً عاجز اولدینی ایچون مریض حکمنده در . قبل الصحة مریضه قضا و فدیہ واجب اولدینی کی شیخ فانی یهده نه قضا ونه فدیہ واجب اولماز. شیخ فانی یه فدیہ نک عدم وجوبنه دائر امام طحاوی دنده بر قول روایت اولنقهده در .

بدايت اسلامده امت اسلامیه نک معتادی اولمایان بر شیء ایله امر ویا بر شیئدن نهی اولونورکن عدم انقیاد لرینه باعث اولماق و اولنری او حکمه آلیشدیرمق حکمتنه مبنی حکم ، دفعه دکلده توسعه طریقله تدریجاً تبلیغ اولونوردی . اساساً بو طرز تبلیغ سنت السیه دندر .

ایشته بونک ایچون حرمت، خمر ، اوچ صفحه ده تبلیغ اولنمشدر . اولاً — مضر قی منفعتدن زیاده اولدینی بیان بیورلمش ، ثانیاً — اوقات صلاتده سکر حرام قیلنمش، ثالثاً — حکم قطعی تبلیغ اولونه رق خمر صورت قطعیه ده تحریم اولنمشدر .

اوروج ده خمر کی اوچ صفحه کچیرمشدر: اولاً — مدینه منوره یه هجرت وقوعنده یوم عاشورا و ایام بیض ده استجاباً اوروج طو تولماسی رسالتناه اقدیمز طرفندن امر اولنمش ، ثانیاً — ایکنجی سنه هجریه نک شعباننده رمضان اوروجنک فرضیتنی ناطق اولان (کتب علیکم الصیام) نظم کریمی نازل اولوب (وعلى الذين يطيقونه فدية) قول جلیلی ایله مکلفیندن صحیح و مقیم اولوبده اوروجه کوچی یه تنلر واجبی ادا خصوصنده فدیہ ویرمک ایله اوروج طوتمق بیتنده تخییر اولنمشدر .

ثالثاً — (فن شهد منكم الشهر فليصمه) آیت جلیله سی نازل اوله رق شهر رمضانده حاضر اولانلردن اوروجه کوچی یتن هر فردده رمضانده عیناً اوروج طوتمق تعیین و فرض قیلنوب مقدا ویریلن تخییر حکمی نسخ اولنمشدر . ایشته آیتده نسخه قائل اولانلرک نقطه نظر لری بودر . (مابعدی وار)

اسکطیلی محمد عاطف

صریح سیاره سی

بوسنه مایس و حزیران آیلرنده کیجه یارسیندن صکره ، تموز و اغستوس آیلرنده بر آز اول شرقده بارلاق بر قیرمزی ییلدیز نظر دقتمزی جلب ایدر . فضانک بی نهایه دریندنکنده اسرار انکیز بر صورتده پارلایان بو جرم سهاوینک ضیاسی شیمدی یه قدر ماهیتی ادراکدن عاجز بولندیغمز دیگر کواکب کی تیتره ک دکلدر . سها حقنده معلوماتی اولانلرجه بونک صریح سیاره سی اولدینی قولایقله کشف اولنه بیلیر . فلکیات صراقلیری و هیئتشناسلر منظومه شمسیه نک (علویین) ده نیلن سیاراتنک ایلکی اولان مریخی بو آیلرده دقتله تعقیب ایده جکلردر چونکه ارضه اولان مسافه سی ۴۳ اغستوسده اللی بش کسور میلیون کیلومتر یه اینه جکلدر . مریخک بزه تقریبی سنه لر ، حتی عصر لردنبری ذهنلری اشغال ایدن بعض مسائلک قطعی اوله رق خانه یار دیم ایتک احتیالی واردر .

« مریخده حیات وارمیدر ؟ » سؤالنه زماغزده مثبت بر جواب ویریه میور . واقعا مادام (کوزمان) نامنده زنکیکن بر قادینک تبرع ایلدیکی یوز بیک فرانک مریخدن غیری بر سیاره ایله مخبرده بولنمه موافق اولانه ویرلمسنی فرانسه ده فن اقاده میسی قبول ایتش ایشه ده بو قرار ، مریخک مسکون